

ხელშეკრულება № 2011/4-155

2011 წლის 27 აპრილი

ქ. თბილისი

ერთის მხრივ, სსიპ გლდანის საჯარო სკოლა (შემდგომში წოდებული "დამკვეთად") და მეორეს მხრივ საქართველოს საბიბლიოთეკო ასოციაცია, მისი პრეზიდენტის, ირაკლი ღარიბაშვილის სახით (შემდგომში წოდებული "შემსრულებლად")

ვდებთ ხელშეკრულებას შემდეგზე:

1. ხელშეკრულების საგანი

1.1 "შემსრულებელი" გაუწევს „დამკვეთს“ მომსახურებას

1.2 წინამდებარე ხელშეკრულების ფარგლებში შემდეგზე:

ჩაუტარდება სწავლება ნინო აბუაშვილს თემაზე: „სკოლისა და უმაღლესი სასწავლებლის ბიბლიოთეკართა კვალიფიკაციის ამაღლების პროგრამა“ , სულ 44 საათის მოცულობით.

2. მომსახურების მოცულობა და ვადები

2.1. ამ ხელშეკრულების მოქმედების საერთო ვადა სრულდება 2011 წლის 27 მაისს. ვადის დენა იწყება მხარეთა მიერ ხელშეკრულების ხელმოწერის მომენტიდან.

3. მომსახურების შესრულების წესი

3.1. მომსახურებას უზრუნველყოფს "შემსრულებელი" მხარე, საჭიროების შემთხვევაში საკუთარი რესურსების დამატებით.

4. ვალდებულების შესრულების ადგილი

4.1 ხელშეკრულებით გათვალისწინებული ვალდებულების შესრულების ადგილია: თბილისი, მ.ალექსიძის ქ. კორპ. 4

5. მხარეთა ვალდებულებები

5.1. შემსრულებლის ვალდებულებები:

5.1.1. შემსრულებელი ვალდებულია შეასრულოს 1.1 პუნქტში მითითებული ვალდებულება უნაკლოდ;

5.1.2. შემსრულებლის ვალდებულება მომსახურებაზე ითვლება შესრულებულად დამკვეთისათვის მომსახურების დასრულების მომენტიდან. მომსახურებასთან ერთად, შემსრულებელი ვალდებულია გადასცეს დამკვეთს ყველა შესაბამისი დოკუმენტი;

5.1.3. თუკი ხელშეკრულების 1.1. პუნქტით გათვალისწინებულ მომსახურებას აღმოაჩნდება რაიმე ნაკლი შემსრულებელი ვალდებულია, დამკვეთის მოთხოვნისთანავე, გამოსწოროს ეს ნაკლი თავისი ხარჯით.

5.2. დამკვეთის ვალდებულებები:

- 5.2.1. დამკვეთი ვალდებულია მიიღოს მომსახურება და გადაიხადოს მისი ფასი ამ ხელშეკრულებით გათვალისწინებული პირობებით;
- 5.2.2. შემსრულებლისაგან მომსახურების მიღებისას დამკვეთი ვალდებულია შეამოწმოს მისი მოცულობა და ხარისხის შესაბამისობა ამ ხელშეკრულების 1.1. პუნქტით შეთანხმებულ პირობებთან. მომსახურების გაწევის შედეგების მიხედვით მხარეები ადგენენ აქტს და ხელს აწერენ მას.
- 5.2.3. დამკვეთი ვალდებულია აუნაზღაუროს შემსრულებელს მიღებული მომსახურების ღირებულება ამ ხელშეკრულებით დადგენილი წესით.

6. ფასი და ანგარიშსწორების წესი

- 6.1. მომსახურების საერთო ღირებულებაა _50.00 ლარი (ორმოცდაათი ლარი) _____
- 6.2. ხელშეკრულების ჯამური ღირებულებაა _50.00 ლარი (ორმოცდაათი ლარი) _____
- 6.3. მომსახურების საფასურის გადახდა ხდება, როგორც ნაღდი ისე უნაღდო ანგარიშსწორების წესით.

7. კონტროლი ხელშეკრულების შესრულებაზე

- 7.1. დამკვეთი ახორციელებს კონტროლსა და ზედამხედველობას შემსრულებლის მიერ ხელშეკრულების პირობების შესრულებაზე. კონტროლის განხორციელება ეკისრება ც. ქველიძეს.

8. ხელშეკრულების შეწყვეტა

- 8.1. დამკვეთი უფლებამოსილია უარი თქვას წინამდებარე ხელშეკრულებაზე და მოითხოვოს გადახდილი თანხის ნაწილის უკან დაბრუნება ხელშეკრულების ბოლომდე დარჩენილი თვეების რაოდენობის პროპორციულად მომსახურების ხელშეკრულებით გათვალისწინებული პირობების ან ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
- 8.2. დამკვეთი უფლებამოსილია მთლიანად ან ნაწილობრივ შეწყვიტოს ხელშეკრულება შემსრულებლისათვის ვალდებულების შესრულების შეუძლებლობის წერილობითი მეტყობინების შემდეგ თუ:
 - a) ხელშეკრულებით გათვალისწინებულ ან დამკვეთის მიერ გაგრძელებულ ვადაში შემსრულებელს არ შეუძლია მომსახურების სრულად ან ნაწილობრივ გაწევა;
 - b) შემსრულებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - c) დამკვეთისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - d) შემსრულებლის მიმართ დაიწყო გაკოტრების საქმის წარმოება;
 - e) საქართველოს კანონმდებლობით გათვალისწინებულ სხვა შემთხვევებში.
- 8.3. ხელშეკრულების ცალკეული პირობების მოქმედების შეწყვეტა არ ათავისუფლებს შემსრულებელს დანარჩენი ვალდებულებების შესრულებისაგან.

9. მხარეთა პასუხისმგებლობა

- 9.1. ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის შემსრულებელს დაეკისრება პირგასამტეხლოს გადახდა მომსახურების ღირებულების ოდენობით.
- 9.2. დამკვეთს ყოველთვის აქვს უფლება მოითხოვოს სახელშეკრულებო ვალდებულების შეუსრულებლობით, არაჯეროვანი შესრულებით ან ვადის გადაცილებით გამოწვეული ზიანის ანაზღაურება.

10. ფორს-მაჟორი

- 10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.
- 10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).
- 10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულებაში ცვლილებებისა და დამატებების შეტანის წესი

- 11.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.
- 11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.
- 11.3. ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შესრულების შეფერხება

- 12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.
- 12.2. იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის

გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

14. დასკვნითი დებულებები

ხელშეკრულება შედგენილია ორ თანაბარი იურიდიული ძალის მქონე ეგზემპლარად (ერთი - დამკვეთს, ერთი - შემსრულებელს).

მხარეთა რეკვიზიტები:


დამკვეთი

შემსრულებელი

სსიპ კვლახი სკოლა
 მ. გ. კვლახი, სოფ. კვლახი
 ტელ: 832.358.304
 სოფ. კვლახი კოდი: 236087907
 საბანკო-საგადასახადო:
 შ.ს. "საქსიპი ჯე" მ. გ. კვლახი
 თბილისი, ტელ: LBRTGE22
 ანგარიში:
 17LB0121151971306

საქართველოს საბიბლიოთეკო ასოციაცია
 თბილისი, 0107, გუდიაშვილის ქუჩა 7
 ტელ: 93.26.82
 საიდენტიფიკაციო კოდი: 204417862
 საბანკო რეკვიზიტები:
 თბილისი ბანკის ცენტრალური ფილიალი, კოდი :
 220101830
 ანგარიშსწორების ანგარიში:
 100700861

ასოციაციის პრეზიდენტი
 ი. დარბაშვილი



თარიღი:

თაყაიშობა

